

## E' spred.

Cun e' spred, cum'a siv mes?  
Me l'è un cvël ch'a n digeres,  
un dè e' cala, cl'êtr' e' cres....  
Nënc s'u s'in ciacara spes  
me sta rōba a n la capes.  
Vó a m diri: "Mo l'è listes!"  
E nō, invézi, a m'acanes.  
Nënc s'j' è cvel un pô cumples,  
a n m'arènd, a l garantes,  
(mo sta rima a la fines!)  
E, sicōm ch'a sò tistōn,  
par zirchêr' infurmaziōn  
a sò andê, l'êtra matèna,  
int 'na bānca acvè a Ravèna.  
U m rizév un raşunir  
e me a j fëg: "A sò in pinsir  
par chi cvàtar suld ch'a jò,  
cōsa fê, ch'u m dega lò,  
ëj sicur s'a fëg di bot?,  
ch'a n'avreb armeti tot!  
Cun tot cvel ch'u s sënt in zir  
u j'è nënc da stê in pinsir,  
cun ste spred ch'avèn stra i pi....  
a prupōsit, 's'a vòl di?"  
E l'à cmënz la spiegaziōn  
d tota cvānta la cvistiōn,  
arivènd pu cun e' scōrs  
agli aziō', al valut, al bōrs,  
e' tas d scōnt, lësa pu di,  
e pu i bot e i bitipì,  
e pu l'euro, i bund tedesch,  
una masa d'êt' tramesch,  
e comunque tot e' mël  
l'è e' famós "diferenziêl"  
stra l'Itaglia e la Germāgna,  
...cun i dèbit ch'l'à la Spāgna  
e la Grécia, una muntāgna!,  
e pu e' scōrs u s'ingavāgna,  
cun al tas e cun e' PIL  
ch'l'è fadiga n nc a dil.  
A l'afirum cun un sègn

## Lo Spread

*Con lo Spread, come siete messi?  
E' una cosa che non digerisco,  
un giorno cala, l'altro cresce....  
Anche se se ne parla spesso  
lo questa roba non la capisco.  
Voi mi direte:"Ma è lo stesso!"  
E no, invece, mi accanisco.  
Anche se sono cose un po' complesse,  
non mi arrendo, lo garantisco,  
(ma questa rima la finisco!)  
E, siccome sono testone,  
per cercare informazioni  
sono andato, l'altra mattina,  
in una banca qui a Ravenna.  
Mi riceve un ragioniere  
E io gli faccio:"Sono in pensiero  
Per quei quattro soldi che ho,  
cosa fare, mi dica lei,  
sono sicuri se faccio dei BOT?,  
che non vorrei rimetterceli tutti!  
Con tutto quello che si sente in giro  
c'è anche da stare in pensiero  
con questo Spread che abbiamo tra i piedi....  
A proposito, cosa vuol dire?"  
E ha cominciato la spiegazione  
di tutta quanta la questione,  
arrivando poi col discorso  
alle azioni, alle valute, alle borse,  
il tasso di sconto, lascia pur dire,  
e poi i BOT e i BTP,  
e poi l'euro, i Bund tedeschi,  
una massa di altri ingarbugli,  
e comunque tutto il male  
è il famoso "differenziale"  
fra l'Italia e la Germania,  
... con i debiti che ha la Spagna  
e la Grecia, una montagna!,  
e poi il discorso si aggroviglia,  
con le tasse e con il PIL  
che è fatica anche a dirlo.  
Lo fermo con un segno*

parchè ormai a n'um şgavègn.  
In sustânza, còsa fê?  
“E’ segrét: diferenziê!”,  
u m fa lo, “S t vu avé custrot,  
te t’in met du tri int i bot  
e una pêrt int agli aziõn,  
basta fê la prupurziõn.  
Se l’Itaglia la trabala  
in ste môd e’ rişg e’ cala.”  
Du tri bot, du tri agli aziõn...  
a n sò miga Berluscõn!  
Cvàtar suld incavalé  
a jò ʒa diferenzié:  
du tri l’acva, luʒ e gas,  
e pu e’ bol, e’ rosc, al tas,  
s’u m n’avânza par la zêna  
a m farò una fiurintêna,  
un vinêl a bõn marchê  
e a la fê’ a sò pröpi ....sprê.

Franco d Sabadên

*perché ormai non mi districò.*  
*In sostanza, cosa fare?*  
*“Il segreto: differenziare!”*  
*mi fa lui, “Se vuoi avere costrutto,*  
*tu ne metti due o tre nei BOT*  
*e una parte nelle azioni,*  
*basta fare la proporzione.*  
*Se l’Italia traballa*  
*in questo modo il rischio cala.”*  
*Due tre BOT, due tre le azioni....*  
*non sono mica Berlusconi!*  
*Quattro soldi incavallati*  
*io li ho già differenziati:*  
*due tre l’acqua, luce e gas,*  
*e poi il bollo, l'immondizia, le tasse,*  
*se me ne rimane per la cena*  
*mi farò una fiorentina,*  
*un vinello a buon mercato*  
*a alla fine sono proprio.... in bolletta.*

*Franco Pongeggi*